

ISSN 2249-510X

A Peer Reviewed and Refereed Journal of

Kashmiri Literature and Language

Department of Kashmiri

University of Kashmir

## غلام محمد شاد..... اکھ اہم ادبی شخصیت

منظر یوسف

تلخیص:

پروفیسر غلام محمد شاد چھ و ہمہ صدی ہند اکھ معتبر شاعر، نقاد، محقق، ترجمہ کار تہ ترتیب کار تیمر پنے تخلیقی ہونرمندی تہ تحقیقی صلہ حیو ستر نثری کیو منظوم ادب پار لکھتھ کا نثر زبانی تہ ادب وسعت تہ و ہراونخش۔ شاد صا بس پیہ دون عظیم المرتب صوفی شاعر ن احد زرگر تہ صد میرس ستر تھن ہن چھ رو دمت تہ چھ سہ تصوفکن زولان منز قادروزنہ بجایہ نادم، کائل، رانی بیتر بہلہ پایہ ادب ن ستر پکتھ پنے تخلیقی ہونرمندی ہند باس دوان۔ یمن معتبر ادب ن ہندس تخلیقی قلمس مقابلہ باقی ادب ن ہند اچھن ٹار کھسن اوس واریاہ مشکل تہ ا تھر ادبی ماحولس منز چھ شاد صا بس تہ پنے اکھ منفرد پز زنتھ قائم کر نچ کوشش کران۔ ”کشمیر کلچرل کانگریس“ ناوی تنظیمہ ستر وابستہ رو زتھ چھ شاد صا بس ترقی پسند خیالات ن پنے تخلیقی قلمہ ستر زیو بخشان تہ امہ تنظیمک اکھ باقاید ممبر آسنگ اعتراف چھ پانہ تہ تہ پٹھ پاٹھر کران۔

کلیدی الفاظ: تخلیقی، ہونرمندی، صلہ حیث، منظوم، مرتب، زولانہ، معتبر، تصوفکن۔

”۱۹۵۳ء منزینہ کشمیر کلچرل کانگریس و جودس آئیہ بہ اوسس اوٹھمہ جمائڑ پران۔ محترم رحمان راہی صابن بنووس بہ تہ امیک باقاید ممبر، نیمہ کنو بہ تہ ترقی پسند تحریک ستر وابستہ گوس، اتی پٹھ زانکھ بہ ناد صاب، کائل صاب، پریم ناتھ پردیسی صاب، کمال احمد صدیقی صاب، سہیل عظیم آبادی، ضیا سرحدی تہ شمیم احمد شمیم بیتر۔“ ۱

بہ چھ اکھ توجہ طلب کتھ ز ہسٹری ہندس شعبس ستر وابستہ روتھ تہ چھ شاد صابن کائرس ادبس گکو پٹھو رنگو کینہہ مولو موکھ تہ جرتھ پنہ زبانی ہندس ادبی سرمایس برژر کرپچ کوشش کرہہ۔ شاد صاب بن ادبی، علمی تہ شاعرانہ صلا حیرن ہند مظاہر چھ بہنزن کتابن ہند مطالعہ کرتھ ز برپاٹھو واضح گرتھان۔ یمن منز شیل تہ شیلتھ، قرنہ پٹھیر، آلو ملو، اندرم ضرب، نیتارتہ ورفنا لک ذکرک خاص پاٹھو قابل ذکرچہ۔ شاد صاب چھ پنہ تخلیقی تہ تخلیقی صلا حیرہ ہند مظاہر مختلف ہتی کیو موضوعی صفن منز کران یمن منز غزل، نظم، نعت، رباعی بیتر شامل چھ۔ ہسٹری ہند قابل قدر و استاد آسنہ کن چھس تو ا رتھس پٹھ و سبج تہ سنی نظر اسپرہ تہ توے اوس تس تو ا رتھی حبس ہمیشہ قلمس لور روزان۔

سہ چھ پنہ بن اکثر آزاد تہ نثری نظمن منز تو ا رتھی پزرن تہ واقعن اکھ معنہ سوواظہار بخشان۔ شاد صاب بن اکثر غزلن منز چھ عشق حقیقی سرچ تہ اکہ پاک تہ منزہ مزاز چ عکاسی لبہ یوان۔ پروفیسر شفیع شوق تہ ناجی منور صاب چھ ”کائرس زبان تہ ادبک تو ا رتھ“ ناؤد کتابہ منز شاد صابنہ شاعری متعلق رقمطراز۔

”غلام محمد شاد چھ وہمہ صدی ہند بن استاد شاعرن منز ممتاز مقام تھاوان۔ سہ چھ زانان ز شاعری ہیکہ نہ فلسفک تہ اخلاقیاتگ بدل ہنٹھ، مگر شاعر ہیکہ نہ امہ نشہ جداتہ روتھ، شاعری ہیکہ فلسفہ تہ اخلاقیاتگ کارگرو سپلہ ہنٹھ۔ مگر ستر شاعرہ چھنہ ہدایتی انداز مگر اتھ چھ تصوفک تہ اخلاقیاتگ اکھ معنہ سووتہ سرون گون پس منظر۔“ ۲

شاد صابس چھ کائرس زبانی علاو اردو، فارسی، عربی تہ انگریزی زبانن پٹھ نہ صرف عبور حاصل

اوسمت بلکہ چھ اردو تہ فارسی زبان منر پنے تخلیقی ہون مندی ستر کینہہ رتی فن پار تخلیق کرتھ ہیو کمت یمہ  
 کتر کتر سندا ناو کاشتر زبانی علاو دو یمین ادبی حلقن منر تہ ویو دچھ۔ یمن منر ”شب آہنگ“ فارسی تہ ”یادوں  
 کے سلگتے لمحے“ اردو شعر سؤ مبرن قابل ذکر چھ۔ مختلف زبان ہنر مہارت آسنہ کتر چھ  
 شاد صاب اُکس کامیاب ترجمہ کار سندر حیثیت تہ زانہ یوان۔ حضرت امیر کبیر سندر ”چہل اسرار“  
 منظوم کاشتر ترجمہ ”کشف الانوار“ ناو تہ  
 فیض احمد فیض سندر کینون تخلیق ہند کاشتر ترجمہ ”شعلہ آواز“ ناو ترجمو ستر چھ شاد صاب کاشتر ادبہ کین  
 بہلہ پایہ ترجمہ کارن منر شمار سپدان۔ غلام نبی آتش صاب چھ چہل اسرار کس منظوم کاشترس ترجمس متعلق  
 لکھان

”شاد صابن چھے چہل اسرارس ترجمہ کرتھ کاشتر شاعری اکھ پوشہ وئی ڈا لک عطا کر ہو۔ کشف الانوارس  
 اندر درج واریا ہن غزلن متعلق چھنہ قطعاً یہ گمانہ گڑھان زیم ماچھ فارسی پڑھ ترجماونہ آہتر۔ تم  
 چھ original تخلیقہ باسان۔“ ۳

شاد صابنہ شخصیتک بیا کھ روخ چھ سو تحقیقی صلأ حیت یوسہ یہ ہند ہن مختلف مضمونن اندر چھکرتھ نظر چھ  
 گڑھان۔ ”تصوف اکھ تعارف“ ناو تحقیقی کتاب چھ شاد صابن اکھ رز ڈا لک کاشتر ادبہ باپتھ۔ یہ چھ شاد  
 صابن اکھ تھکبن لایق کارنامہ یتھ منر صوفی، تصوف، اسلامی تصوف کین ابتدا ئی آگرن تہ امہ کس  
 ارتقا ہس تہ صوفی اصطلاحن ہنر و ہن ہنہ تفصیل سان پیش کرنہ چھ آہو۔ امہ علاو چھ شاد صابن تحقیق رنگو  
 کاشترس ادبس ”مولانکون“ ناو تحقیقی تہ تنقیدی کتاب پیش کرتھ اکھ نہ مشون خار عطا کورمت۔ اتھ کتابہ  
 منر چھ شاد صابن کاشتر ادبہ کین تمن گپت گوشن گاشرا ونچ کوشش کر ہو یمین کن نہ کانسہ تہ محققس ظون  
 اوس گو مت۔ لسم شاہ ہیو گمانہ شاعر نو نیرن چھ شاد صابنہ تحقیقی کامہ ہند نتیجہ تہ مقبول امر تسری سندر اصلی  
 ذات ”خاکی“ غز کڈنہ ستر چھ کینہہ پوشید گوشہ غز در آہتر۔ امہ علاو چھ شاد صابن ساہتیہ اکیڈمی ہندس

وہنسے پڑھ معتبر صوفی شاعر احمد زرگرس پڑھ مولو گراف تہ لیکھممت۔ یہ تھ منز اُمی سبزر زندگی ہند کی مختلف پہلو  
گا شراونہ چھ آءتو۔

شاد چھ کاشرس ادبس منز اُکس زبر ترتیب کار ہند کی حیثیت تہ زانہ یوان۔ گلیات عبدالاحد  
ناظم، گلیات رسول میر تہ گلیات محمد مقبول خاکی ترتیب دتھ چھ شاد صابن اکھ اہم کارنامہ انجام  
دیتمت۔ شاد صابن چھ پنڈو تحقیقی صلأ حیت بروے کار اُنھ بڈ محنت تہ مشقت کر تھ یمن بہلہ پایہ گونمان  
ہند کلام ترتیب دتھ کاشرس ادبس مزید بڑر کو رمت۔ اتھ ستی ستی چھ تکی پنہ نس و اُلد محترم خواجہ  
عبدالرحمان سُنڈ کلام سو مبر تھ ”بشنوا زنے“ ناؤر ترتیب دیتمت۔ تکی سُنڈس مرتب کر کی متس گلیات رسول  
میرس متعلق چھ پروفیسر مجروح رشید صاب ”کاشرس منز تحقیق تہ تنقید: خود سری یا اعتراف“ ناؤر مقالس  
منز یہ تھ پاٹھو لکھان۔

”اتھ تناظرس منز چھے حال حالے پروفیسر غلام محمد شاد صابن ترتیب دیتمت گلیات رسول  
میر شالچ سپد مت تہ یہ چھ میر شناسی اکھ رت اضافہ۔ یہ چھ پوزیہ گلیات چھ رسول میر نہ زندگی تہ فنکہ  
حوالہ اکھ نو و دروازہ یلہ تراونچ اکھ سنجید کوشش تہ امہ ستی ہیکہ رسول میر نس ذاتس اُنڈی اُنڈی سیتن  
وار یہن مفروضن پھیش لگتھ تاہم چھے یہ کتھ تہ پنہ جاپہ اہم ز کائہہ تہ مفروضہ ہیکہ تیلی رد سپد تھ ییلہ محقق  
اتھ تناظرس منز کائہہ تو اُرخی شہادتھ فراہم کرتھ ہیکہ۔“ ۲

بہر حال شاد صابن چھ سو درس منز و ستھ موکھ تہ ژھارڈ ژھارڈ پنہ ماجہ زو ہندس تا جس اُلگتھ پنہ عالمانہ  
تہ محققانہ صلأ حیو ہند بؤت پیش کو رمت تہ یہ تھ مختصر مقالس منز اُمس بسیار پاسل ادبی تخصیہ ہند کی ادبی خدمات  
پورپاٹھو گا شراونہ چھ مشکل۔ شاد چھ کاشر ادبک اکھ روشن آفتاب تکی پنہ تخلیقی تہ تحقیقی گاشہ ستی کاشرس ادبس  
رنگہ رنگہ اضافہ کرینچ کوشش چھ کرہ۔ یہ تھ کائہہ تہ کاشر اکھ تھلکن لایق کارنامہ ماہ تھ ہیکہ تہ اظہار اُتی  
سو تھرس پڑھ ہیکہ پن و تہ ہاؤ کھ بناؤ تھ۔

کتابیات:

- ۱۔ غلام محمد شاد، ریشل تہ شہادت، صفحہ ۸۔
- ۲۔ شفیع شوق، ناجی منور، کاشتر زبان تہ ادبک تواریخ، صفحہ ۴۴۰۔
- ۳۔ غلام نبی آتش، وبتہ آگر (۷-۸)، صفحہ ۱۴۱۔
- ۴۔ پروفیسر مجروح رشید، کاشترس منز تحقیق، انہار، صفحہ ۲۲۱۔